

Messadi pertuccont credit d'impegn per festivitads 10 onns Ilanz/Glion (incumbensa Capaul)

Preziada dunna presidenta dil parlament
Stimadas parlamentarias, preziai parlamentararis

A caschun dalla sesida dils 13 da settember 2023 ha il parlament communal Ilanz/Glion tractau l'incumbensa Capaul e consutsignaders pertuccont festivitads 10 onns Ilanz/Glion. En quei connex ha ha il parlament communal decidiu da surdar parzialmein l'incumbensa. L'incumbensa ei formulada sco suonda:

Incumbensa (text original per tudestg)

Der Gemeindevorstand wird beauftragt zu prüfen, in welcher Form die Festivitäten zum 10-jährigen Jubiläum der Gemeindefusion nach dem Scheitern des Kredits «Jubiläumsjahr 10 Jahre Fusion Ilanz/Glion» durchgeführt werden können. Er soll sich dabei von den folgenden Leitgedanken leiten lassen:

- Reduktion des Festprogramms und des dafür vorgesehenen Kostenrahmens auf ca. 1/4 bis 1/3 des in der Sitzung vom 12. April 2023 besprochenen Kredits.
- Dezentrale Durchführung von Veranstaltungen unter einem gemeinsamen Mantel.
- Kooperation mit und finanzielle Bezuschussung von lokalen Vereinen und Organisationen, welche Veranstaltungen unter dem Mantel des Fusionsjubiläums durchführen.
- Zusammenarbeit mit der Jugend- und der Kulturkommission der Gemeinde bei der Durchführung von Veranstaltungen.
- Zusammenhalt fördern, grosse Teile der Bevölkerung abholen, Aufmerksamkeit gegen innen und aussen generieren (vgl. Seite 2 der Botschaft zum Kreditantrag vom 12. April 2023).

Über den für die Festivitäten notwendigen Finanzrahmen entscheidet schlussendlich der Gemeindevorstand im Rahmen seiner Kompetenz frei bestimmbare Ausgaben, welche im Budget nicht vorgesehen sind bis max. CHF 200'000.00 zu beschliessen. (Art. 40 Abs. 1 lit. i der Gemeindeverfassung).

Propostas dalla suprastonza communal

A caschun dil tractament dall'incumbensa Capaul e dils consutsignaders pertuccont festivitads 10 onns Ilanz/Glion ha la suprastonza communal Ilanz/Glion fatg las suandontas propostas al parlament communal per la deliberaziun:

- l'incumbensa Capaul pertuccont fiasta da giubileum 10 onns fusiun vischnaunca Ilanz/Glion ei da surdar parzialmein;
- per l'elavuraziun dil concept e la fixaziun dil credit necessari ei d'installar ina grupp da lavur che consista da commembras e commembers dil parlament communal;
- il credit necessari ei da conceder entras il parlament communal.

Il parlament communal Ilanz/Glion ha approbau cun gronda maioritad las propostas dalla suprastonza communal. Perquei ei ina grupp da lavur cun commembras e commembers dil parlament communal vegnida installada per elavurar il concept da basa.

Concept da basa dalla grupp da lavur

La grupp da lavur per elaborar il concept da basa per las festivitads tier il giubileum da 10 onns fusiun Ilanz/Glion secumpona dils commembers Ivo Capaul da Rueun, Jeannette Dalbert-Caviezel da Luven e Manuel Montalta da Glion. Ivo Capaul presidescha la grupp da lavur. Ella ha elaborau il concept da basa «Festivitads 10 onns fusiun Ilanz/Glion» (stan: 20 d'october 2023). En quei concept da basa ein ils principis dallas festivitads, igl urari, in catalog da criteris pusseivel tier las surdadas da projects sco era il preventiv veseivels. Il sboz dil preventiv prevesa da dumandar in credit da CHF 100'000.00 per las festivitads. Ultra da quei vegnan uniuns ed organisaziuns enumeradas che han gia demussau interess per ina collaboraziun cun la grupp da lavur.

Proposta

Sin fundament dallas explicaziuns precedentas e dil concept da basa dalla grupp da lavur fa la suprastanza communal las suandontas propostas al parlament:

- d'entrar ella fatschenta;
- da prender per enconuschientscha il concept da basa elaborau dalla grupp da lavur;
- d'approbar il credit ell'altezia da CHF 100'000.00;
- da liquidar l'incumbensa Capaul.

Ilanz/Glion, ils 24 d'october 2023

Suprastanza communal Ilanz/Glion